

LA GRAND
PRONOSTICATION
 NOUVELLE POUR
 L'AN MIL CING CENS SOIXANTE,
 avecques les figures ce-
 lestes des quatre

temps.

1560

Calculee par maistre Michel Nostradamus Docteur en Medicine,
 de Salon de Crau, en Provence.



A LYON,

Par Jean Brotot, & Antoine Volant.

Avec Priuilege.

Deuxième tome de Nostradamus, sous le titre de Pronostication, imprimé par Jean Brotot & Antoine Volant, le 3^e jour de Juin, 1560. J. D. A. V. R.

A MONSIEIGNEUR MONSIEIGNEUR de Saigni Lieutenant general pour le Roy au pays de Lyonois en l'absence de Monseigneur le Marechal S. André: M. Nostradamus son treshumble & obeissant seruiteur, desire Salut, & Felicité.



MONSIEIGNEUR, la diuine prouidence de l'eternel pere de Lumiere, conduisant, & illustrant tout superieur, & celeste lumineux, pour la generation, uie, & conseruation de tous animaux inferieurs: mesmement de la nature humaine, proueuante des causes elementaires, & des semences alterees: a ordonné les principes par luy reseruez au Ciel, & en la terre. Et en second lieu, a constitué les celestes images pour les influences vitales. Ce que bien a escript l'Arabe, disant. Sol, & Luna post Deum omnium uiuentium uita sunt. Donc toute la nature mondaine a recogneu en uniuersel consentement un seul Dieu, premier mouuant de toutes causes, & souverain de toutes choses: auquel est deu toute louange, honneur, & gloire es siecles des siecles. Parquoy à l'exemple d'iceluy seules haultz Cieulx, les terrestres hommes en chascun climat les plus parfaictz se sont constituéz un Prince, & Roy: auquel ilz ont desferé singulier honneur, reuerence, & obeissance: lequel Roy quand il eschet entre les mortelz estre tresgrand, & tresbon, puissant, & clemēt, uertueux, & humain: lors tous confessent unaniment un tel Prince, Roy, Empereur, Monarque, ou souverain dominateur estre enuoyé de Dieu du Ciel en Terre, pour auoir preeminence sur tous autres de sa basse & infime region terrestre: qui uoluntairement en luy transmet la tutelle & puissance de son peuple: Car, selon la sentence du noble Historien, qui au temps du debonnaire Vespasien florissoit, Nulle chose en ce monde peut estre plus desirable, que d'auoir Prince defendeur puissant, & entreteneur de Justice debonnaire. Parquoy non sans louange digne de memoire immortelle, les uertueux Princes antiques ont esté surnommez heroiques, & est a dire demy Dieux. Semblablement les incomparables Rommains apres les haultz, & magnanimes faictz des protecteurs, & defendeurs de leur Republique, ilz les deifioient: & par diuers honneurs les colloquoient es celestes sieges, pour le merite de n'auoir iamais esté lus de donner secours au peuple. En cas pareil, ilz mettoient au reng des Conseruateurs publics les sages, & sayantz hommes: qui par la celeste doctrine, & par la cognoissance des corps lumineux, de leurs Spheres, & mouuementz donnoient aduertissement de prouidence, & garde, par presages de fauue, de gherre, de pestilence, de fertilité, de sterilité, de santé, de uie, de mort, et de diuerses autres accidentz, & mutations: Lesquelles estantz aduenues, on leur de

cretoit honneurs plus que humains & immortelz. Berosé Caldeen, tresantique
scripteur pour auoir presagé l'Eclipse du Soleil, long temps auant qu'elle fust co
gneue. Ne merita il pas, qu'on luy erigeast une statue de bronze, avec la langue de
ree? Le premier Philosophe Pithagoras, auant ueu l'eau d'un puy, qui tousiours
auoit esté claire, en un instant se troubler, ne predict il pas le tremblement de ter
re, qui incontinent suruint: Dont il acquist renommee, & gloire, & reputation
de diuinite. Mille autres telz pourrois ie alleguer, si le present ceuvre trop petit
le souffroit. Lesquelz tant grandz personnages nonobstant ont esté calomniez
par les malings, & enuieux, & ignorantz: Contre lesquelz toutesfois ont esté
soustenuz, defenduz, & honorez par les uertueux Princes, & tresgrandz per
sonnages defenseurs de leur doctrine, soy, probité, & eruditio: qui les ont sauuez
des ueneneux traictz de calomnie, soubz leur enuiente, autorite, comme soubz
lescu sept fois double du fort Ajax. Je donc prenant exemple d'iceulx, qui en la do
ctrine celestem'ont precede uous ay uouly choisir, s'il uous plaist, (illustre Sei
gneur, & Reuerend Prelat,) comme l'uni que Phoenix en la prouince Lyonnoise,
pour m'estre bouclier, & defenseur contre mes calomniateurs. Car combien peu
sez uous que sont de personnages auourd'hui, mis au nombre des doctes, Neant
moins ignorantz plainement les effectz des images celestes: qui me iugent faire
Predictions par Magie, ou autre art defendue, telle que leur fantaisie estime: plus
tost que par uraye Astrologie: de laquelle seule l'use en bon, & fidele Chretien,
& non d'autre prohibee, comme Magicien. Et de ce ie proteste uerité devant
Dieu: & en say iuge sa maiesté. Or donc, Monseigneur, Considerant ma propre
futilité m'estre permioieuse, comme au noyer: Et uoyant tant d'arcez de detraction
contre moy bandez, & tant de traictz de plume, ou langue enuieimee cõtre moy
adressez. Je uous ay prins sur tous autres, & uostre celsitude pour ma seule des
fence. Et si ie cognoy que ce mien petit labeur annuel, pronosticque pour ceste
presente annee Mil cinq cens soixante, uous soit agreable: ie m'essayeray a l'au
enir de uous consacrer ceuvre plus digne de uostre grande bonté, & douleur. Et
en oultre si ie puis entendre la dedication ne uous en estre desplaisante, Ce me sera
accroissement de plus grande force pour resister a l'ignorance, ennemye de ma ue
ritable professio: & me sera un esteuement a plus hault uol, pour abaisser les ailes
de mes ignorantz, & enuieux enuieus, ie dy, ennemys de leur part sans aucune oc
casion de la mienne, comme ceulx qui auant de dict, de faict, ou de pensee ne leur
fiz desplaisir. Dont ie prie Dieu donner a culx cognoissance de leur offense. Et a
uous, Monseigneur le Gouverneur Lyonnois, heureux accroissement d'honneur,
& de dignite, avec accomplissement de uoz nobles desirs. *V. i. u. s. presentant hum
ble Salut, & Recommandation. De Salon, ce 4. Iuin. 1559.*

De la disposition de la presente annee en
general, selon la disposition des
Astres. 1560.



PAR la dispositiō de la presente annee 1560, le treuve telles estranges mutations de tēps, d'estatz, & de personnes, que si Dieu qui est leul modérateur, de ceste immesuree machine, ie crains fort q̄ celuy repos qui nous sera donne par Mars non du tout assoupy que ne redonde a plus grāde & incroyable incommodité des humains : car les astres nous signifient beaucoup des aduentures aduenir, & telles que possible soient aduenues de long temps, car le commencement de l'annee se portera par extremes froidures, participant des derniers iours de l'annee precedente, & sera l'Hyuer le Printemps de plusieurs, qui sera cause que par lors leurs falctz seront en bransle, les inondations des eaux par frequentes pluyes seront grandement a craindre, redondant aux iours continuant a l'Hyuer qui est l'Esté, & seront de grandes & diuerses maladies plus en l'Esté que de toute l'annee, meismes maladies pestilentes lesquelles assailiront par plusieurs regions de l'Europe. De toutes telles factiōs aduenir ceulx a qui cecy n'a peu entrer dans leurs cerueaux, par les figures erigees celestement selon les quatre temps les rendra cōfuz, s'ilz ne veulent totalemēt denyer la puissance infinie de Dieu eternal, qui ne les a creez sans grande cause, & de ce que plus est a craindre est le commun populaire, par guerres & contentions, qui pululeront & seront en leur force & vigueur, & le tout procedera plus tost par femmes

mes que par autre moyen: l'annee sera longue, la fin prou-
uera le faict, & les actes de ce qu'il en aduiedra: & les plus
grandz tumultes & esmotions par intestines & ciuiles at-
tercations procedera prenant son principal origine d'i-
celles, Il fault bien necessairement que ceste annee icy ad-
uienne quelque grand cas, par ce moyen qui ne se pourra
étendre le faict des futures predictions iulques a l'age
de 18. ans, ou sera le faict ou failly. Dieu par sa grace y
pouruoye, car estant frapé mars de Saturne par lextil as-
pet demonstre que d'icy a l'an 1566. serot deplacez les plus
grans, non de violence aucune, hormis que par maladies,
le tout procedera par la seule volõté de Dieu qui est seul
moderateur, car les plus honorables femmes & matro-
nes d'hõneur, de puissance souueraine, & de supreme di-
gnité seront en grandissime facherie, & les plus grandes
seront en leurs extremes dangers par l'administration de
leurs viures, ie ne veulx pas parler plus auant, & cela n'ad-
uendra pas a vne seule, mais a plusieurs tant vesues qu'au-
trẽment, des plus grandz seigneurs & monarques souue-
rains seront constituez en extreme danger de mort, & le
tout naturellement, qui sera dict: Stat sua cuique dies, bre-
ue & irreparable tempus omnibus est vitæ. Le fer, feu,
glaiue, faim & pestilence: & fera defaillir beaucoup, non
des petitz tant seulement, mais aussi des plus grandz &
des plus souuerains: & par les moys de la conseruatiõ des
fruietz & des fleurs la nocturne gelee en dõmagera beau-
coup, mesmes les parties plus infimes & plus basses de la
terre. Icelle gelee sera grandement suspecte & de crain-
dre: Prions Dieu que par sa bonté immesuree y vueille
pouruoir, & les mouches a miel ne feront guieres leur de

uoir, onq̄s ne furēt tāt de exécra-
bles voleries, meurtres,
qui seront faictz ceste annee: combien que par le iugemēt
des plus principaulx de l'Astrologie iudiciaire, qui predi-
sent l'annee estre du tout seiche & par consequent inferti-
le, & de toute sterilité, & seront des flux de ventre plus
que autres maladies, les personnes ieunes par l'esté & l'au-
tomne seront en extreme periclitacion, & les femmes en-
ceintes porteront a bon port de sauuement leur person-
nes & leurs fruictz, combien que d'aucunes par lieux di-
uers seront en danger sans mourir, toutesfois iamais ne
fut telle annee ou tant de nouvelles soient esté rapportees
que seront dans ceste cy, Es lieux de 48. degredz seront
grandes pluyes & grands deluges, exhorbitantes inonda-
tions, & seront par la religion d'esmotions telles & si ex-
horbitantes, que ne comprenant les principales plumes
qu'on osterā & arrachera des aestes des plus grands, qui
sera cause de plus grand tumulte & de nouvelle sedition,
qui ne se appaisera sans la main militaire, Dieu pouruoye
en tout. Le duelle sera de craindre par accident non ia-
mais tel aduenu selon que Mercure, Tuismegeste & Zo-
roaster descriuent ceste annee n'estre par famine vexee,
estant assoupy Mars par ce qu'il est frapé sextilement de
Saturne radiation debonnaire, sinon ceste sterilité qui ap-
pert estre, & par consequent la famine ne prouient par la
puissance de Dieu eternal, qui est matiere supercelestieles:
car noz cōtinuelles offenses & delictz trespasant le com-
mandement de Dieu en est cause principale, & a luy seul
l'esperance nous en deliurera, tous legumes seront en grā-
de abondance, ce que aduiendra par gelees courantes, se-
ra au milieu de deux moys principaulx vernalx. Les ieu-
nes seront en danger d'auoir euité le flux de sang de tou-
tes

tes venes par Mars endormy que par fieures continues, disinterie, flux de sang par le nez, & autres vermines accompagnées de gales & grates, ioinct les discordes, altercations, enuies, debatz des plus grans & des plus souverains dominateurs, & larcins innumerables qui seront exercez, & comis nocturnes pilles, temples polluz, prophanez, & expoliez, non par martiale factiō, mais par personnes desesperées, & vuydees de toute esperance, & y seront entremeslees dix personnes que quant on les verra fera plus esmerveiller les voyantz que les perdans, & dens ceste annee seront perpetrez de cas telz & tant incroyables que la plus part du monde sera comme du tout esblouy, mesmes a ceulx a qui proche cela aduiendra, ie ne m'arreste pas ici a grandes allegations pour prouuer mon dire pource que ie scay plusieurs murmurer alencontre a cause que sont plusieurs de ma profession qui ne replissent leurs papiers que de mesdire cōtre Nostradamus & de ie ne scay quoy de resueries, cōme celuy qui a esté faict a Geneue, qui ne parle que de malediction & sans y auoir inseré ne cathalogue de sainctz, ne riē ne festes mobiles or mis les foyres, vrayement il deuoit biē parer son Almanach de telles histoires pour ne inserer que des foires combiē, que ie ne doute point que astrologiquemēt il eusse inseré plus amplement. Doncques il vous suffira de veoir les figures celestes erigees, iouxte ce que aduiendra par la plus grād partie de l'Europe, si iamais il aduint que par torrent & par cas fortuit soit esté descouuert cas admirable vrayement il le sera par ceste annee, & non pas a vne part, mais en plusieurs, & ce que tant d'annees a esté souhaicté, & occulté secretement au ventre de la terre, & par fleuves perpetuelz de leurs cours caché soubz eaux

sera par ce circuit manifesté, & les plus souverains & admirables faitz de la antique concution & structure sera offerte aux Roys princes & souverains monarques ceste annee icy ne sera guieres felice p les supremes dñateurs deuers les regions Italiques, pource que plusieurs des plus principaulx defailliront. l'hyuer premieremēt ne failira de venir par sa naturelle saison: mais il sera fort long exorbitant de toutes matieres celestes causant diuerfes impressions & sera vne calamiteuse affliction par les plus principaulx iugeantz: & par la religion seront commis & exercez plusieurs cas indignes, onq telz cōmis ne ouys. sera retourné l'estat de l'eglise comme au parauant, & d'as iceluy printemps sera faicte vne nouvelle expedition a l'encontre des repugnantz a ladicte religion. Les citez & pays abdiques de celle seront temprees, sera enuirōnee la cité de la nouvelle Babilonne, Dieu par sa grace y pourroye, i'eusse remply toute ceste fueille des aduētures que les astres menasēt venir a plusieurs & diuers climatz par diuerfes factions, mais ie les lairray & pour ne me offencer ensemble plusieurs des plus grandz que la subite permutation de la fortune fragile qui est la seule volonte de Dieu aux plus puissans de la terre le defend, Dieu est sur tout.


Du Printemps de la presente annee 1560.

Le Printemps cōmencera le 10. iour de Mars le Soleil entrāt au premier poinct d'Aries a nul degre & 10. minutes, la Lune a 6. degrez 38. mi. de Virgo, qui sera de son cōmencement froid, grandemēt venteux & presqs faissant toute l'ānee participāt de vêts Septētriōnaux, mixte d'autres vêts Austraux avec neiges, glaces, & pluye, les fleuves sortiront de leurs bornes, & commencera soy moderer vers le milieu, Les exalations venteuses seront cōuerties

ties & dissolues en humiditez de neiges & playes frequētes, Seront contrainsts les plus pacifiques, de qui leurs sainctes armes serōt retournees passer les mers, ensemble des Martiaux accōpaignez, & sera Neptune sus sa maritime domination, accompagnē de ceux que le Soleil & Iupiter tiendra en supreme domination; passant les terres & mers & regardera on de merueilleuse admiration celuy qui par ses forces & magnanimitē de cœur, Pacatum viribus orbem. Vray est que deuers le commencement se dresserōt secretement plusieurs tumultes & seditions populaires, & la plus part pour cause de subitz & repentins changemēs & encor plus pour le fait de la religion, & a plusieurs d'iceux seront tollues leurs principales defenses, qui bien tost apres le tout leur sera rendu, plusieurs & diuerses citez de petite monarchie, & supresme souuerainete, & potentatz seront en partie deliurees de seruitude de vice, de vaines & friuoles superstitions, & sur tout de tyrannice, de ceste annee ne se trouuera demandant preme pro tyrānicida. La sainte Eglise catholique non obstāt plusieurs seditions, murmuremens, & discordes, ce non obstant elle demeurera en son entier comme au parauāt, & en sa perpetuelle integritē, sans soy desuoyer ne ca ne la: Et par le dict fait de la Religion seront de grans cas entre les plus principaulx monarques. Quelque secret poinct arrestē, qui sera Radicitus. La mort d'aucuns des plus grans inopinēment aduenue rendra vne infinitē de peuple confus. La constitution du temps sera a son commencement de soy modere: mais les maladies comme epydymiques saisi ront vn nombre infiny: mais Dieu iuste aura cōseillē saintement à l'humain lignage, ne restera que vn poinct à vn des principaux de la hierarchie, mais le mal & douleur costale luy, donra tel empeschement, & tel, que lon ne pour-

ra exploiter la dixieme partie de ce qui sera entrepris, Seront enuoyees secretemēt des personnes, qui ennoircirōt le clair, & obnubilēront la clairte du Soleil, mais ce ne sera pas en public, lon entendra d'vn poinct, & ce sera d'vn autre, & le fait sera bien tost cogneu, la nouuelle election precedera les arriuez tard, & a bonne heure, & sera prōptement renuēse le tableau du cheual veautrant au courant de lēcource Demōstenique, l'Y dra a sept testes reputulēra, a la parfin suruēndra vn Hercules de Lybie, qui les cōfondra: des lieux champēstres prēdra son origine vn mōstre de merueilleuse exiguite, mais d'vne supreme eloquēce, lequel apparoiſtra premierement comme vn rat, puis tout a vn cōup deuiēdra lyon, & pire que loup rauissant, puis seront plusieurs accordans au fait de la Hierarchie, qui seront de diuerses opinions, puis entre les deux murs des citez secretement feront diuisiō, & partage de ce qu'ilz auront cōmis, qui par vn blanc deſſoubz; & noir deſſus seront cogneuz & aperceuz de leurs deceptions & tromperies, onques que lon sache par vie de leage de trois hommes ne furent telles simules, par mortz & par supremes hereditez serōt faitz telz changementz, les vies impudiques, non prostituees consentent quelque peu a ce que le tresanciē tître ne se perdra iamais, mais plustost se augmentera, & tellement que les defences ne seront de rien changees, a vnchascun martial sera recompense, & sera restituee l'Eglise en sa parfaicte sainctete & integrite, & ceux a qui selon leur foy, leur la garde. La chaleur naturelle separee a la sustance corporee sans ame, l'administration des rameaux & fruiētz de l'ame raisonnable leur sera desniee, l'expoliation du remanāt, que les sainctes ne aurōt prins ceux qui auront trouuē les moyens de pourchasser la mort pour auoir, & que in foro publico sera
mis

mis sub hasta, ne retournerōt iamais en leur premier estat, & ceux qui auront fleury vernalement vendeurs des ieunes orphelins le prin temps, l'hyuer seront en perpetuelle abiection & refus, & sera leur fortune changee de cinq en cinq ans, par la mort inopinée des plus grandz sera faict leur change de vif au mort, & saisiira le mort les vifz, mais non pas par long temps, pource que sera de retour Mars en Carefme. & priera le plus grand, que plus ne puisse estre en souuenance de luy, que la necessite ne soit vrgente. De toutes telles factions par moyen de la mort



d'aucuns nombrés entre les plus grandz inopinee, par la figure precedēte le pourra cognoistre qui que ce soit, qui est telle selon l'entree du premier iour du printemps, qui sera traictable de plusieurs & grandz differentz. Non do-
lendum de re amissa, le tronc, & le rameau principal de **L E R G O**, fera cause de maux vne infinité, & innu-
merable, & tant par cestuy printemps, que par tout le dis-
cours de l'annee, ce que ne aduint iamais. La perte sera tel-
lement irreparable, que ne se saura estimer. L'eclipse, qui
a esté precedent avecques cestuy icy, qui est tout contigu,
de l'autre du printēps, demonstre manifestement les estrā-
ges aduentures de la presente annee, que cōbien que cest
eclipse soit exigu, & non guieres apparent, qui sera le dou-
ziesme de Mars, non guieres esloigné de cauda draconis
de deux poinctz, & quelques minutes, in Libra, qui plus
apparoistra au pays de la Germanie. que ailleurs, hormis
que deuers le Poytou, & Zainctonge, Zainctes, pres de
Bourdeaux, là, & aux regions circonuoisines, aussi pour-
ce qu'il est Equinoctial, pour la cōference de Dieu aux hu-
mains. Là se feront des seditions & emōtions populaires.
& les effectz dudict eclipse se estendront deuers icelles re-
gions, tant pour moyen de la religion, que par autres fa-
ctions, & les effectz ne commenceront pas d'apparoi-
stre, ne de pululer, qu'il ne soit le quatriesme iour du moy
de Mars 1561. dieu par sa grace y vueille remedier.

DE LAESTE. 1560.

Laité ceste annee commencera selon la figure sequen-
te le vniēme iour de Iuin, a six heures & trois minutes
apres midy, par autres diuers climatz autrement le Soleil
entrant a 41. minu. de Cancer, qui de son commencement
sera pluuieux, participant de l'humidite des pluyes prece-
dentes, mais non obstant toutes telles humiditez il tendra


a vne

a vne bonne moderation, & clemence de temps, tendant puis vers le milieu a vne grande ardeur & inflammation, & du reste le temps, le peuple sera pacifique, & dans ce moys ne seront pas grandes nouveutez, hormis sept biens nombrees. L'une d'une extension Saturnale, les autres aduiendront par la fureur & rage impatiēte de aucunes maladies de feu, & de flux de sang vuyde tout a vn coup, & par la mort de ceux des principales factions, encores se trouuera le commun populaire en grand trouble, les Mercurialistes & Iouialistes qui sont gens d'eglise & de court souueraines & autres seront en leur plus haut degre d'honneur & de puissance. Ilz seront autant de temps dominateurs de Mars, comme Mars a este dominateur sur eux, combien que par la constitution du temps cest Este apparaisse estre chault, & d'inflammation tresardent, que sera cause de engendrer apres plusieurs noyses, debatz & proces, qui sera faisant esmouuoir plusieurs fieures ardentes, continues, flegmes, charbons, fieures quotidiennes, tierces, qui se termineront a peu de iours. plusieurs insanies, melancoliques, delirations, flux de sang, maladies epileptiques, melancolies, & pource que ia fin du printemps ne fera pas par aucuns signes pestilentz les susdictz effectz, le commencement de l'este lors paracheuera, & seront de fort grandz vomissementz, principe de fieures quartes, flux de ventre, mal des yeux, & des oreilles, avecq grandes exulcerations de bouche par tout dedans la gorge, avecques grandes corruptions aux parties honteuses, mesmes aux membres de generation, & sueurs continuelles, & y aura plusieurs des iours qui ne seront pas d'este. mais de grande froidure de peu de duree. La constitution du temps sera variable, & des personnes plus par vacations des morts, que par l'inclemence de l'air. aux Royales cours

ne se pourra on asseurer dans cest esté par accident & sinistre euenement sera faict le commencement du changemēt qui sera paracheuē 1569. & de trois. de ce qui est. Dieu est sur tout qui remediera au tout: apres le septiesme an passé suruiendra vne plus grande paix & plus grande cōcorde. Seront assemblez ceulx qui toute leur vie auront refusé foy trouuer ensemble, par maladies inopinées. deffaillira vn des plus grandz, ie ne dy pas du regne; que plusieurs ne se trouuaissent scandalizez de ce quil seroit bien requis mettre par escript par la fin de l'Esté, qui sera le moys de Aoust, sera bien faict, & dict quelque grand cas d'admiration, & par diuers euenementz, ou par la constitution du temps, telle qu'elle apparut de long temps, par ignorance des plus sauaus, entre leurs mains mourront des plus grandz & magnanimes que pour la cruauté du mal sera imputé a maladie pestilente, & le mal en sera cause, pour autant que Venus oriental meridional descendant dedās la seconde, qui est Gemini viendra, & tous ses euenemēs prouenir tout premieremēt par l'yre de Dieu omnipotēt, & pour la premiere cause nul qui soit n'en fait doute, Secōdemēt par la cōfiguration des estoilles, parler de la puissance de Dieu immēse, Sileat mēs humana, de cœlestibus autem vix pauca loqui potest. Quand ie voy la cōstitution des eclipses passez, presens, & aduenir, ensemble icelle configuratiō des estoilles crinites, ou cheuelues presagent par ce temps d'esté prouenir telz & si calamiteux euenementz aux plus grandz, & particulièrement aduenir, que non tant seulement ie ne ose le passer a par moy par la bouche, ne moins le mettre par escript, mais ne le penser: Sed ô dij talem terris auertite pestem, & vos superi seruate Reges. Car par aucunes cōiunctions: & dyametrales lineations d'aucuns, & mesmement des principaux
lumi

luminaires, que ie suis comme esblouy, & du tout effrayé
que Dieu vueille que icelle conionction moyenne passée
de Saturne a Mars, de l'vn que soit aduenement de quel-
que aliance indissoluble. Car les effectz de l'annee passée,
qui a enuoyé ses malings effectz durant le printemps pas-
sé, de la presente annee 1560. que non comprenant plu-
sieurs & diuerses maladies de grande acuité, & fieures pe-
stilentés, maladies epidimiques inuadant plusieurs & di-
uerses regions & climatz de l'Europe. ne comprenant au-
cunes mortz repentines, par diuersité de fureur & rage,
& par fumeuse maladie, & cecy prouenant par l'air pesti-
lent & contaminé, & par la furie du mesme temps, proue-
nir tristesses, angouilles, consternations, iugeans iuges,
commandans estre commandé, bas esleuez, plusieurs re-
mis de leurs sieges, & plusieurs non bien entendant la vo-
lonté de Dieu feront mille execratiōs a l'aduerse fortune.
Fortuna omnipotēs quā variabilis, terrores & incendia
veniēt crebra, præterea ciuium exilia, fugas: luctus ærum-
næ acerbitem, frugum sterilitatem, omniumque fere fru-
ctuum inopiam, accompagné avecques mille autres de-
predations, prouenant vne partie par moyen des sectes.
& de la diuersité de la Religion: mais si ie ne erre en mes
supputations, le changement sera si exorbitant, & si repē-
tin, que lon demandera a plusieurs ce que au parauant ilz
presseront les monarques de demander, requerāt les biēs
des orphelins, le leur sera demandé, & leur sera fait de tel
pain soupe. Je ne oserois mettre la cētiesme partie des eue-
nementz, que ie voy aduenir. le chief des fondations de la
demylayne s'approcheront d'icelle avecq tresfelice adue-
nement. O la felice conionction, qui s'appreste: mais elle
sera bien meslee de pleurs, angouilles, gemissementz, plain-
ctes, & d'vn irreparable regret, quoy qu'il soit cela m'est
pour

pour la tenebrosité presente du temps cachee, Dieu seul
 le scet. Les effectz en feront la fin. Ce ieudy cinquieme de
 May de la presente annee mil cincens cinquāteneuf, qui
 est vne conionction de Saturne a Mercure, qui de l'heure
 presente: qui est deux heures apres minuict: est suruenue
 vne subite tenebrosité; qui me faict desister de mettre cas,
 qui pourroit possible estre vn scandale tel, que iamais ad-
 uint en France, & ne passeray plus oultre: mais pour de-
 uenir mieulx a la preuue de mon faict par la figure celeste
 que s'ensuit, qui est de l'Esté de l'annee presente le demon-
 strent



monstrent plus amplemēt, combien que celle de l'annee mil cinq cens cinquante neuf, que de present les escripts les apparences sont beaucoup plus manifestes, comme facilement vn chascun pourra entendre, Dieu par sa grace y pouruoye, mēsmes aux plus souuerains, pour eux principalement & secondement pour le soustenement de la Chrestienté.

De l'Automne M. D. LX.

L'Automne commencera ceste annee M. D. LX. le xij. Septembre, prenant les heures a midy xix. minu. 46. par moindre hauteur, le 13. Septembre vn Ieudi, le Soleil faisant son entree au premier poinct de Libra, la Lune a six degrez, dixsept minutes de Cancer, qui sera a son commencement froid & sec, ayant plus de seicheresse que de humidité, combien que par les frequentes pluyes qui seront participant de mediocre temperature, mais gradement a craindre, pour cause des maladies, qui regneront, plusieurs de celles de l'Esté precedant, & par la pestilence, que non tant seullemēt aura occupé les personnes, mais le groz trouppau, lequel par la violance de ardeur, & par la malignité du temps en mourra beaucoup, & sur tout sera de craindre aduenir par venefices & autres prestiges, & autres cas inouys, ce que n'auint iamais a vie d'homme, auecques grande perte & deperdition de grandz euenementz, qui paruiendront plustost pour cause de certaine inercie & negligence des plus grandz, & la ou l'entree de cest Automne apert de venir, & faire apparoistre ses effectz sera deuers les parties orientales que non point aux occidentales, car celles regiōs de xlvi. xlviij. xlvij. xlvij. xlvij. xlix. & cinquante de hauteur par la significa-

tion des astres demeurera par toute ceste annee saine & pacifique par guerres & fortes maladies, mais les effectz de la religion les tumultes seront bien telz & si exorbitans qu'ilz furent il ya long tēps, denotant les effectz que sont comprins dans la xij. maison, qui est captiuité, prinſes, detentions, exillementz, bannissementz, proſcriptions grandes, & calamiteuses. Les plus opulens par moyen de leur auoir seront guerroyez, & tellement persecutez iusques a la mort. Durant cest Automne mourront plusieurs & diuers personnages de tous estat, d'honneur & de dignité, & que combien que la malignité de cest Autōne feisse fort longue extension, si est ce que tant seulemēt les pays climatz & regions du premier quadrangle, comme plus amplement descript Ptolomee, & les regions aussi subiectes au signe de Aquarius, ou verseur, & gemini, se resenteront d'aucuns malins effectz. Le commencement sera pluuieux, & grandement estaux, & fort maladif, principalement regnerōt maladies de teste, distillations, reumes, catharres, toux, a grande abondance. fieures tierces, quotidiennes, erratiques, que puis apres en quartes se cōuertiront, opilations de rateles, jaunisses, pluresies hydropises, distillations d'vrines, lyenteries, disinteries, squinances, & difficultez d'aleine, & de forte respiration, melancolies, hiliaques passions, bref cest Automne est fort de craindre, ne comprenant les proſcriptions, que par les eclipses precedētes, & par celles de l'annee presente les astres nous menassent, quant aux autres euenementz qui suruiendront, hors mis maladies par les contrees bisantines aux monarques orientaux, sera secretemēt tenue vne pernicieuse deliberation, que ne sortira que a son plein effect

effect, redondant aux detrimenz des peres Sardacz, vel
patres Sardaici, Ligustiques, & encor plus par les Pan-
nois, & hæc sera la desloyauté. Les mortz inopinées qui
parviendront durant ces trois moys feront bien a pen-
ser. O quelle exclamation sera faicte les nouvelles ouyes
le purillé sera recompensé de ses dignes & indignes me-
rites. Sed dumtaxat in Mesopotamia. Le grain frumental
qui plus facilement vient a Malte, que ailleurs sera en tel
le deliberation de soy getter violement les mains a lē-
contre de soy. Liuia Augusta du deffailimēt de Drusus
Nero, serōt trouuez en la Germanie les oz. La vengeance
de Tybere se renouuellerà, mais nul ne se trouuera secōd
selon sa pitie. Deux grandz cas facheront le troisieme,
& le septiesme par election, mais le tout sera appailé par
celle qui estoit delaissee, & que on donnoit la beuande
du vin de l'extinction des elections, & puis la fraudulen-
ce sera apperceue, & deschassée, & l'innocence & integri-
té restituee, & puis mise au plus haut throsne. Le milieu
de cest Automne sera humide, pluuieux & venteux, avec
abondance de pluyes, & ventz generatifz de maladies lō-
gues splenetiques, qui deuers la fin de ce temps deffailli-
ront. La fin de l'Automne sera merueilleusement froide,
& seiche, participant des ventz Septentrionaux, d'vne ex-
treme froideur & siccité, accompagné de plusieurs ventz
neiges, brouillats, geles grades, & autres froides impres-
sions, telles que l'hyuer mesmes ne sera constitué en telle
malice de temps, redōdant que deuers la fin de l'Esté pas-
sé, & dans le commencement de l'Automne seront faictez
des eclistres tonnerres, gresle: & toutes autres impres-
sions metheoriques, engendrees en la basse regiō de l'air,

qui presageront l'Automne suivant mesme la fin estre de merueilleuse froideur & seicheresse par les eaux conuerties en neiges, & en autres malices de tēps, & fera la foudre des plus horribles cas que iamais fut apperceu en vie d'homme, tel espouuement fera, La pleuresie, les distillations, & reumes ferōt defaillir des principaux par mort vaquante, & par leurs puenir de telz sinistres euenemēs, qui onques de telz ne furent veuz, ne ouys, Autres plusieurs euenements que ie laisse de mettre, & pour cause q̄ meilleur est la taciturne silence, que mal dire, cōe on peut voir par la figure sequēte, prions Dieu qu'il nous garde,




De l'Hyuer M. D. LX.

L'hyuer ceste annee Mil cinq cens soixante commença vn leudy, le Soleil entrant au premier degré de Capricorne, la Lune a vingt six degrez, xxxvj. minutes de libra, qui sera par son commencement froid & sec, d'une extreme froideur & seicheresse, par le continuel soufflemēt des vētz septentrionaux, avec neiges, pluyes, glaces brouillatz & frequentes mutations de temps. La constitutiō sera tresdure & fort acerbe, generatiue d'une infinité de maladie pleuretique & costale, avec crachement de sang, & fieures tresardantes & continues, de reumes vne infinité, & de catharres suffocatifz, que durant cest Hyuer deffairiront plusieurs, qui par l'esté & l'automne aurōt esté malades, & icy deffairiront la plus part de iaulnissēs, hydropisies, splenetiques, & autres mauuaises habitudes par les langueurs croniques, Dieu par sa grace conserue les vieux, qui avec difficulté de respiration desfluxions avec toux violente, distillations d'vrines avec le sdifficultez d'icelles, douleur des ioinctures, & q̄ plusieurs mourront, & des plus apparentz, & plus grandz, les vns subitement, les autres par longue langueur deffairiront, Et quant aux autres factiōs par les plus grandz, & autres, qui se ferōt soubz vmbre de amitie, & autre beneuolence, ce ferōt des apprestz, qui a la parfin seront dommageables, & grandemēt pernicieux, mais des plus grandz, mais des moyens, & des infimes, & du commun populaire, combien que soubz celle couleur de faincte religion, amitie, & concorde, plusieurs se trouueront frustrēz de plus de la moytie de leurs volontez, & encores demonstrent certaine mutation d'estat, d'hōneur, de char

ges & de dignitez, par le principal fait de la religion, qui ne seront de fort graues, horrēdes & calamiteux aduenementz, si seront, praesertim exidia vrbium ratione religionis: car ie les voy suspendentz. O pleust a Dieu que apres toutes telles calamitez, que quelque fin soit donnee a sainte mere eglise, & a la sainte religion Chrestienne, O vti nam tandem post diurnas disceptationes, ac lōgas perturbationes concordia in sancta matre ecclesia fiat: mais a ce que ie voy il faut que avecques le bon Froment l'Orge & la Zizanie soient meslez, pour donner vne perpetuelle perturbation a la religiō Chrestienne. Il a tousiours estē que la sainte mere eglise a estē exposee grauibus procellis, & sera iusques a ce que ce vray iuge viendra, & iuste, qui par lors separera ce meschant Orge & Zizanie du noble froment totalement extirpāt, iusques a ce qu'il soit fait vnus Pastor, & vnum ouile, car durant cest hyuer seront donnez de conseilz que les vns trouueront pernicious & dommageables, comme qu'il soit, que icy ne faut declarer ne manifester la forme d'iceulx, vn chascun sera content, hors mis que la plus part des armes a ceulx que iadis auoient toute puissance leurs non pas du tout oustees, mais il ne s'en faudra guieres. Mercure guberna- teur d'vn des eclipses en la neuueme cachē, & combust soubz les rayons du Soleil, & frappē de Saturne, menasse quelque grand monarque en la hierarchie demonstrāt aussi quelque incroyable calamitē, foy & confederation, paix, amour, vnion, & concorde, & perniciose guerre. Je ne dy pas, ie pourrois dire sincerement la veritē, mais il faut mettre icy la claufule: car les prez ont asses beu, & puis apres telle diruption de paix, qui encores ne appert
redon

redondera au grand detrimēt de tous. Les maladies plus grandes & pestilentes deffailiront: car le commencement de l'Hyuer, c'est a dire despuis le premier iour de Ianuier iusques au xiiij. de Mars, le temps sera pluuieux. le milieu sera venteux, la fin d'iceluy ne sera exempte de neiges en grande abondance, & vne fois gresle & tonnerre, menasiant les vierges & les femmes de maladies: mais a la parfin la plus part eschapper. Les semés serōt beaux, & de fort bonne apparence, car les plus anciens astrologues predi sent grandissime abondance de vin & d'huilles, mais que
 Printemps



printemps aduenir est grandement menasé de tremblement de terre, que Dieu par sa grace nous en vueille defendre, menassant n'estre guieres different de celuy qui fut du temps de Vaspasien, ou de Claudius Cæsars, que treize citez dans vne nuit en Asie en furent subuerties, & profondes du tout, non sans grãde misere & incroyable calamité. Dieu par sa grace nous en vueille defendre que en noz climatz ne nous en puissions recētir de rien.

La sommaire signification des moys de la presente
annee Mil cinq cens soixante,

I A N V I E R,

En ce moys de Ianuier Mil cinq cens soixante sera le premier quart de la Lune precedente le v. iour a neuf he, par eleuation plus haute a viij. heures quarante mi, qui sera pluuiieuse & venteuse, avec neige & verglas, muable & inconstante, generatiue de catharres & reumes, avec moderation de temps. Pleine Lune sera le 13. a 8. h. 48. mi. de matin, de plus haut a 9. 11. m. qui sera mauuaise avec grand vent, neiges & temps diuers, sera cause que a son deffaut quelques vns assez apparens defailliront, le tēps sera glacial. Dernier quart sera le pire de tous par effect de maladies & catharres suffocatifz sera le xx. a ij. h. de matin, plus haut a i. heu. sera froid & maling, participant des iours superieurs, & guieres ne sen faudra que la charrue ne passe par le cristail. Nouvelle Lune le 27. a 55. mi. de plus hault a j. h. qui sera fort pluuiieuse, finissant quelque peu le mauuais temps, & sera cause que la froide & veteuse affection causera vne extreme ardeur par la lune opposite, sera generatiue de catharres, distillations, & reumes, & q̄ mourrōt dās icelle plusieurs, & d'autres detenus de
mala

maladies longues estiques, hidropiques des plus grandz & plus appi rentz. mais
lade qui donnera peur sans cause qui tost sera guery. grandes neiges, & gelees.

FEVRIER. 1560.

En Feurier 1560. sera le premier quart de la Lune precedente le 4. iour a 4. h.
conioncte a Saturne qui sera cause de quelque fort mauuais temps de roidure de
uentz, neiges, brouillas, gelees, & temps muable & inconstant, catharres suffo-
catisz de estranges mutations. le temps muable inconstant finissant en mal.

La pleine Lune sera le 11. a 7. heures 57. minutes a 27. de gredez 4. minutes de
Leo, qui sera seiche, quelque peu moderee tendant tousiours a ses naturelles qua-
litez de uentz, neigz, pluyes temps diuersement froid & nubileux quelques pre-
miers iours attrempez, puis retournant en ses premieres qualitez, & dans cer-
uolu sera retourné a son pristin estat. comme au parauant, & non plus hault le
des plus ne separera le regne. en la hierarchie de my trouble. La pleine lune sera le
11. a 7. heures 58. mi. par tous endroitz a 27. deg. 41. min. de Leo, qui sera par quel
que de ses mauuaises qualitez froides attrempee, mais puis conuertie en froideur
& grandz uentz froidz, fortz. Le dernier quart sera le 17. iour a 17. heur. 38.
minu. a 26. deg. 13. minu. de Scorpio qui sera plus pluuieux que au parauant & re-
commencera icy l'hyuer a soy fortifier, & sera le temps muable inconstant gene-
ratif de maladies subites & suffocatiues mesmes a uieulx. La nouvelle lune sera
le 25. a 16. heur. 52. minu. plus hault a 18. heures 40. min. a 7. degr. 54. mi. de Pisces,
qui sera fort pluuieuse, mais commençant de finir a mauuais temps noirs conti-
nuelz neiges, brouillas, & autre malice de temps de gelees, icy mourrôt six, des
quelz les quatre seront de grande plaincte & presque irreparable. seront donez
es cours Royales conseilz bien salubres.

MARS 1560.

En Mars sera le premier quart de la Lune precedente bien mauuais & plus de
craindre le 4. a 21. heure 5. minu. par 13. deg. 44. min. en Gemini qui sera de clemen-
ce attrempee tendant a beau temps faisant abaisser les fleuves perpetuelz, qui
par les precedentes lunes s'estoient mis en haulte excoissance uastant grad pays
descourant & courant plusieurs cas inouys començant a febriciter & donez
ner signes secretz de quelques arcans tumultes & reuoltes seditions.

La pleine Lune sera le 11. a 17. heures 18. minu. & plus haut 40. min. 21. deg.
26. minu. de Gemini uenteuse & encor plus mauuaise car elle sera grandement pul-
uerulente generatiue de fieures, & mal de testes. par diuerses & execrables malis-
gnitez a la gorge & rien plus. si iamais furent tumultes ne seditions par la Reli-
gion ce sera par ce moys & le sequent. Dieu l'appaie par sa grace. Le dernier
quart sera le 18. a 11. heu. 8. min. moins 2. deg. 22. min. de Capricornus froid & se-

deuy pluuieux, faisant grande augmentation au magistrat puissance souueraine
& execution. le temps sera encores pluuieux & seront neiges brouillies signifiãt
l'hyuer estre long, & difficile a passer. Nouvelle Lune sera le 26. a 12. h. 30. mi.
plus haut 11.44 mi. en Aries qui sera chaude humide attrempee, mais subitement
variable par tous endroictz obseruant tousiours par mauvais & bon tẽps, ie ne
puis mettre icy ce que ie uouldrois qui aduient deuers la fin de ce moys, & pour
cause.

AVRIL 1560.

En Avril le premier quart le 3. a 10 heu. en Cancer, qui sera un peu pluuieux,
tendant a bon temps, mais plain de tumultes, esmotions & seditions grãdes pour
les precedãs. Dieu uueille que sus les pulpitres ne soient commis ne perpetrez au-
cuns forfaitz, ne prononcẽ rien qui soit sinistre. Les signes pestilentz dans ce
moys apparoiẽtront, fieures chaudes, grans maux de teste, alienations, frenestes,
melencolies & autres diuers accidents. Pleine lune le 10. a 1 h. 21 mi. plus haut
38 mi. sortant de Libra peu froide & seiche, tendant a mauuais temps, avec grans
dissime danger de gelee deuers le milieu du moys, Dieu par sa grace y pouruoye
que le danger sera bien grand. Dernier quart que pleust a Dieu qu'il ne me fas-
lust pas inserer icy par escrit les grandz maux qui se commettront durant iceluy
que sera le 17. a 20 mi. en Aquarius, finissant le mauuais temps, non du tout plein
de gelee nocturne. Nouvelle Lune le 25. a 3 heu. 18 min. en Taurus qui sera chaude,
humide, & attrempee.

MAY 1560.

En May sera le premier quart le 2. a 19 h. plus haut d'une h. 23 mi. en Leo, qui
sera chaude & seiche non sans notable fraischeur, pleine d'allegresse, de resiouis-
sances & nouvelles factiõs, qui sera muable en temps humide, maladies cõtinues.

Pleine lune le 9. a 9 h. 8 mi. en Scorpio, qui sera uentuse avec pluyes & par
les regions de 48 deg. encor quelques neiges & signe de pestilence apparoiẽtre,
nouuelles factiõs, tendant a bon temps paisible & moderẽ cõstitue de douce cle-
mence, le clement inclement. Dernier quart le 16. a 15 h. 17. mi. en Pisces, qui sera
de rosee amiable, tendant a chaleur & seicheresse, fieures continues, nouuelles se-
ditions, marchẽ par conseil qui ne sera pour soy paracheuẽ, mais qu'il sera pour
estre de grands cas si ianaís il en fut, ce moys sera double mesle d'amertume, mais
garde la mort. Nouvelle lune le 24. a 17 h. 19 mi. en Gemini, qui sera chaude, hu-
mide, & fort attrempee par la moderation du temps: mais au reste que fait appa-
roĩtre plusieurs testes rompues, faisant que la fin du moys estre par pluyes de
bien peu, & icy les promet du moys pericliter d'un brouillies qui se leuera non
sans grandissime preiudice aux fleurs. Dieu est sur tout.

IUN 1560.

En Iuin le premier quart le premier iour a 2 h. plus d'une h. 37. mi. en Virgo,
qui sera

qui sera chaut & sec participant d'une exigue fraicheur & humidité louable: mais il sera quelque pluye que sera dite au par le uent paisible sans profit que biē peu, & sera tonitruueux, generatif de fieures chaudes & pestilentes, innumerables grates, locustes abonderont, & autres uermes, & somera & puis rien.

Pleine lune le 7 a 17 h. 33. mi. en sagittaire, qui ne sera sans quelque frescheur, avec son ardente & uiolente chaleur & siccité, les maladies de ardeur & inflammation regneront par labeur & peine uiolente par uoyager plus par cela que par autre, les factions non du tout sodees, & cecy quelque pullulation. **D**ernier quart le 15. a 8 h. esloigné de cauda Draconis en Aries, qui sera quelque peu pluuieux, se conuertissant en une grande extreme chaleur & inflammation, pleis ne de tonnerres eclistres & inueues & incroyables fulgurations, plusieurs frappez du ciel, grandes fieures continues pestilentes, & phrenesies, inflammations, alienations de sens. In Romæ Romæ non erit Romæ. Nouvelle lune le 23. a 5 h. 27 mi. plus hault 37. en Cancer, pluuieuse de iours par tonnerres, & fulguratiōs. **P**remier quart le 30. a 5 h. en Libra, qui sera quelque peu fraiz par pluye rare & uent de 24 h. le reste obseruant ses fortes obseruations, le temps amoderant, augmentant les fieures & autres maladies de chaleur & inflammation.

— IUILLET 1560.

En juillet sera pleine lune le 7. a 3 h. 27 mi. que sera difficile a passer par quelque grand malice de temps en Capricornus, ie laisse les degrez pource que trop rempliroit la fucille, qui sera quelque peu fraische & debonaire avec chaleur & inflammation felicitant. **D**ernier quart le 15. a 3 mi. heures 0. en Taurus, chaut de humide, mais ayant une chaleur si uehemente qu'il ne sera possible la souffrir la ardeur & inflammation, dedans le reuolu de ce dernier quart seront les iours caniculaires qui entreront le 20. du present mois, la lune en Cancer qui presagera par les premiers iours pluyes, & par tout le circuit de l'année famine & seicheresse, fieures erratiques, tierces, quotidiennes, continues, frenesies, principe de quartes. Nouvelle lune le 22. a 15 h. 57 mi. qui sera d'une plus exorbitante chaleur qui ait point esté de toute l'année, ne apparouissant que chaleur & seicheresse se quelquun bien grand deffailira qui sera en temporalité grand moureque, & aussi mourra grand peuple. **P**remier quart sera le 29. a 10 heures en Scorpio, qui amoindrira quelque peu la chaleur & la uehementce de l'ardeur, mais non de quieres, les maladies de mesme estat, & de nouvelle pululatiō. **A O V S T 1560.**

Pleine lune sera le 5 iour a 15 h. 25 mi. plus haut 49 mi. en Aquarius, qui sera uēteuse & pluuieuse tendant a petite moaderation de temps ne participant nullement de la malignité du quart aspect procedant mouuant quelques nouuelles emotiōs,

& de rechef nouueaux changementz. Dernier quart le 13. a 17. h. ne estre guieres bon ne louable, & si de toute l'annee presente ny sequente il y a eu changement tant de temps, & moys diuers, cestuy cy urayement le sera. le conseil ne sera pas salubre des premiers ans aux premiers ans, a la parfin se cognoistra la meure deliberation des anciens passez saige, prudente & reffusee. On iugera icy l'este estre de retour. La debonnaireté sera cogneue tât du temps que du reste. Nouvelle lune sera le 21. a. 1. heure 29. mi. en Virgo, chaude & seiche debonaire, ayant tousiours grandes chaleurs & inflammations iusques a la fin du moys les iours bons & heureux. Premier quart sera le 27. a. 10. heur. en Sagittarius qui sera froide & seiche, avec pluyes, gresles, tonnerres, & autres legieres mutations de temps & des autres effectz bien diuers telz que la plus part sera content.

S E P T E M B R E.

En Septembre sera pleine lune le 4. a 5. heures 59. min. plus haut a 6. en Pisces qui sera peu uentuse & pluuieuse en quelques iours avec gresle, tonnerres, eclipses & autre changement de temps bien muable, & tel possible. quil fut de long temps, que seront tous autres siecles qui n'ont este par les passez, tellement que le siecle dor se trouuera de retour tout a un instant, & qui durera longuement. Dernier quart le 12. a 10. heu. mauvais, & Dieu uueille que la radiation de Saturne a Mars qui est seul a l'aduenir soit bonne, que a la parfin ne presage rien de bon, sans faire longue extension, que arca rmenta boum, enuoye plus tost significations aux humains ne sera guieres salubre, non de maladies, combien que du tout, mais par autres secretes & manifestes factions, que Dieu uueille que soit pour bien. Nouvelle lune sera le 19. a 13. heur. 53. min. en libra chaude & seiche, aiant plus de seichereffe que de chaleur car elle sera fort remise, quelqui sera prehende in cubiculo alieno: que ne sera sans un tumulte demy assoupy. Les ecclesiastiques avec les courtisans & ceulx de Robe longue, comme Prestidens, Iuges, Conueillers & Aduocatz & autres ne se accorderont, Il y aura quelque grand different qui ne se pourra accorder sans grandissime discord par le moys passe ici resolu. Premier quart sera le 25. a 2. heur. en Capricornus qui sera pluuieux, qui trompera bien le parterliber qui augmentera son abondance, & sera tendant a pluyes frequentes brouillas & autres subites mutations de temps. le reste sera debonnaire finissant par pluyes & brouillats.

O C T O B R E.

En Octobre pleine lune le 3. a 22. heu. 55. min. plus haut a 23. en Aries chaude & seiche mal. disue participant d'une mediocre clemence & moderation bien farcie de nouuelletez iusques au milieu du moys que pleust a Dieu quil m'eust fallu passer

passer oultre sans supputer cestuy cy, que a la parfin le faudra faire: mais ce ne sera sans peurs, plaintes & grands gemissemens de la prodition qui est icy proche: que Dieu y uueille remedier. Dernier quart le 12. accompagné de tresmalings aspectz, telz qu'il seroit bon qu'ilz fussent translatez en autre temps: mais Dieu le veut ainsi, sera froid, sec avec, avec brouillaz, tempeste de temps Mira fulguris.

Nouvelle lune le 18. a 19 h. 41 mi. en libra, plus a 19. 54. qui sera froide & seiche commencement de piquer avec une subite mutatiõ de tẽps, finissant en pluyes brouillatz, & la plus part du temps sera moderẽ & attrempe, pleine de nouuelo letex, & mourront plusieurs qui auoient esté malades des fieures longues, & la plus part eagez. Premier quart le 25. a 15 h. 29 mi. en Aquarius suiuant la teste du dragon, qui sera pluuieux, uentoux, muable, & inconstant finissant le moys a la contrariete du commencement tout opposite de diuers effectz, & quelques uns pourroient trouuer tout le cõtraire, mais tout comptẽ, il sera beaucoup meilleur.

NOVEMBRE 1560.

Pleine lune le 2. iour a 17 h. 31 mi. plus haut a 17. 53. en Taurus, qui sera chaud de humide finissant en bon temps: mais continuelz brõuillas, combien que soit cõs situee en bons aspectz, si est ce qu'elle commencera de piquer par plusieurs endroits par pluyes frequentes non sans princip: de neige & quelque gelee qui subitement feront un exorbitant changement de temps. Dernier quart le 10. a 14. h. en leo, qui sera chaud & sec participant des qualitez precedentes faisant quasi comme un demy printemps, mais fort mal adif & maladies fort longues & dange reuses, qui estoit bien sain ne pensant en mal dans ce quart finira. Nouvelle lune le 17. a 5 heures. 49 minutes en Sagittarius, qui sera froide & seiche, que encores n'aura on pas sentu l'hyuer si poignant comme dans ceste lune, & si piquera triplici uia par ses effectz avec pluyes, uents, neiges, tourbillons, temps muable & inconstant. Premier quart sera le 24. a 8 heures, qui sera plus mauuais que de toute l'annee, en pisces, pluuieux, & par diuers endroits tels que les effects en seront soy finissant le moys en un tresmauuais temps muable & inconstant, la defense des enfans se trouuera estre insalubre, les pluyes frequentes, & fort sacheuses, la mutation du temps sera telle & tant muable que on y perdra la son theme, au reste encores plus d'agereux par maladies hectiques fiure hidropique nõ eschaper.

DECEMBRE 1560.

Pleine lune le 2 iour a 12 heures, 27 minutes en Gemini, plus hault 40 mi. qui sera grandement humide & d'exorbitante mutabilite, & par diuers changemens fort estrange, faisant le commencement du moys quelque peu attrempe, participant de ses naturelles qualitez & conditions froides humides uents uerz glas, geles, etc.

ges, passant R O V E par le cristal, faisant le milieu fort uentoux & glacial, pleine de catharres, paralyses, apoplexies, mal de cousté, fieures ardentes, de peu de duree, augmentation d'honneur & de dignités. Dernier quart le 10. a 2 heures, 7 minutes, froid sec & glacial, commēceant la plus grande force de l'hyuer: qui sera difficile a passer avec uents trēchans brouillas, pluyes & neiges, & mourront des plus grands, tant en la hierarchie que a la monarchie, & eneor plus a la Democratie que a l'aristocratie, temps muable. Nouvelle lune le 16. a 17 heures, 19 minutes, plus hault 39 minutes en Capricornus, qui sera froide & seiche, continuant par pluyes, uents, neiges, uerglas, sans quelque demy iour qu'il fera tonnerre sur l'entree de la nuit, & deuers le matin chose de long temps non ueue presageant de ce qu'adiendra 1567. Icy mourront des plus apparens que lon esperoit beaucoup. Premier quart le 24. a 5 heures, plus hault a 4 heur. 43 minutes en Aries, qui fera que les festes de Noel seront quelque peu moderees d'une exigue clemence de l'air, mais peu durable, retournera a ses naturelles froidures & humidités, par neiges iours nubileux, obscurs, troubles, uents, brouillats, glaces, grandes neiges, que a peine pourra on sortir dehors. Par ne estre trop long ie ne uex mettre les factious & coiuurations qui se feront secretemēt soubz umbre de paix & ioyes, qui ne uerront les festes, Nous prierons trestous a ce grand Dieu eternal qu'il nous doint grace de passer la presente annee en paix amour union & concordie avec uie tranquille & a la fin paradis. Amen.

Eclipses 1560.



Eclipse de la Lune le 11. de Mars a 5. heures de matin & 0. mi. & durera vne h. 44. mi. & deux pointz & 2. mi. seront eclipez, peu nous apparoiſtra les effectz de cest eclipse commencerōt le 4. iour de Mars 1561. expireront le 23. d'April de la mesme annee.



Eclipse de Soleil peu apparoiſſant sera le 21. d'Aouſt a vne heure 34. mi. apres mid. & durera 1. h. 46. mi. & seront eclipez six pointz 42. mi. ses effectz se produirōt le 30. de Mars, 1561. expireront le 27. de Ianuier, 1563.

Double du Priuilege.

NOUS Antoine Dalbon abbé de Sauigni, & de l'Isle barbe en Lyônois, Lieutenant general pour le Roy audit pays en l'absence de monseigneur le Maréchal de saint André. A tous ceulx qui ces presentes uerront, Scauoir faisons que ueue la requeste a nous presentee par Iean Brotot, marchand Imprimeur demourant en ceste uille, a ce qu'il luy fust permis & octroyé de pouuoir imprimer & mettre en lumiere les Almanachz, Présages, & Pronostications faitz & composez par maistre Michel Nostradamus, docteur en Medicine, de Salon de Craux, en Prouence, pour l'annee 1560. Et inhibitions & defenses estre faictes a tous autres Imprimeurs, Libraires, & porteurs de liures, de n'imprimer faire imprimer, debiter, ne mettre en uente aucun semblable ceuvre dudit Nostradamus, iusques a ce que des fraiz par ledit Brotot faitz a l'impression d'icelles il soit entieremēt rembourse. Nous pour ces causes, & autres considerations a ce nous mouuans, auons permis, & octroyé, permettons & octroyons audit Brotot de pouuoir imprimer les susdictz Almanachz, Présages, & Pronostications dudit Nostradamus, & auons fait & faisons par ces presentes inhibitions & defenses a tous autres imprimeurs, Libraires, uendeurs & debiteurs de liures d'imprimer, exposer ne mettre en uente aucuns semblables ceures dudit Nostradamus, sans permission dudit suppliant, sur peine de confiscation de ce qu'en pourroit auoir esté tiré, & d'amende arbitraire: & ce par le temps & espace d'un an. Et par ce auons signé ces presentes de nostre seing accoustumé. A Lyô, le 13. iour d'Octobre, 1560.

ANTOINE DALBON.

Par Cōmandement de mondit sieur
le Lieutenant general. C. Gay.

ALMANACH

POVR L'AN 1560.

AN BISSEXTIL.

Nombre d'or	III.
Epacta	II.
Cycle Solaire	I.
Lettres Dominicales	G, & F.
Indiction Romaine	III.
Interualle	VIII. Semaines VI. iours.
Septuagesime	XI. Feurier.
Quadragesime	XXVIII. Feurier.
Pasques	XIII. Auril.
Rogations	XIX. May.
Ascension	XXIII. May.
Pentecoustes	II. Iuin.
Lafeste Dieu	XIII. Iuin.
L'aduent	le premier de Decembre.

Temps des Noces.

Depuis le 14. de Ianuier iusques au 10. de Feurier.
Et depuis le 22. d'Auril iusques au 19 de May.
Et aussi depuis le 10. de Iuing iusques au trentiesme
de Nouembre.

M. J. Joh. ...
Le 10. de Iuing 1560
J. P. ...